

續

耆

舊

續耆舊卷五十一

全祖望謝山選

諸遷客詩

李職方文靖探仍集一名聞悟山人集

陸武城起元才花園集

錢公子昭繡讓水集

張布衣嘉昌陶菴集

王公子存雅

錢贊畫肅采

予錄行遯諸今詩已見前卷尚有遭逢喪亂飄泊不歇歸家竟為異地人以死者又得數公焉夫人情誰不歆戀墳墓親戚委之不顧其中有悒悒者存矣乃別為一卷

李職方文靖字在茲晚字髮僧前監司遵之族孫也博學高才頗不喜家人之學其排纂攷校最博且靖性好色多為俠邪之游以明經荐江上為職方主事先生少時常祈夢于神祠神示以

且止二字不解所謂及丙戌之夏方督軍江上過一神祠其棟  
題且止二字不解所謂宛然昔夢方徘徊間而列戍大崩西師  
竟渡嘆曰是其為空坑之兆耶遂伏于祠中以免自是先生轉  
徙越中不肯復歸教授村童以自給先生故好色老而無子或  
勸以買妾歎曰謝翱有子而棄之吾反求之耶竟絕嗣晚歲間  
一歸羅信宿遽去所著有道聽達說三十卷其南疆遺事足以  
備浙東野史惜以火不傳先生有姻家孫序字叔明亦多學惜  
其集無存者

先大父贈公言先生最精小學其所輯部居極富不知落  
何人之手嘗語大父曰詩古解不惜二字謂草履至賤故  
不借非也大父曰然則何解先生曰凡履左右皆許通用  
雞草履着耳者其左右各有安頓拇指之法故左右不可

在借斯其所以得名也時昭武在座曰有出乎曰吾見展人所識如此而悟得之其說甚衆

諸淮陰侯傳

老人教孺子少年辱淮陰安知跨下恥非即納履心咄咄韓侯淺不如子房深老人誠高隱少年亦奇士黃石公赤松子能自得師即在是

賁馮謹詞序

孟嘗君之趙趙人羣聚觀之笑以為貌小丈夫孟嘗怒殘其邑而去其後坐視國難而不恤無足所者及觀馮謹之見知始進市義之說後進狡兔三窟之計宜其所就如此哉予因嘆曰田文不肖公子也謹鄙夫也其視信陵平原之賓主不有殊乎

晚食可當肉何乃嘆無魚徐步可當駕何乃嘆無車浩浩乎儵  
儵乎而室家居居文歟謹歟殆以戚施遶籬蔭宜其媿彼三  
千人諸

韓幹馬

共四十五

葉公好龍非其龍安得好馬乃真馬白樂山子久失傳赤汗方  
童無聞者亦有文皇照夜白亦有天育峯毛駒昂首天矯視夾  
鏡聳身逸發旋飛霞虹耶電耶控不續爍爍流金炫驚目勝霜  
決彼波奔絕塵凝露懸光趾削玉赤文侯日肉作駿飛登寶輦  
揚玲瓏已識羣麟歸集苑仗間立雪皎融融五十六蹄皆上馬  
龍鬚鳳臆前無是韓子筆下有化工寫生不徒寫其似長公詩  
中誠有畫少陵筆間誠有為古稱三絕世所珍江都伯時斯其  
亞君不見四郊烽火尚壘壘此馬不出待何之未必千金求駿

骨乃今按圖索駿祇自悲

江上

江畔窮年百戰爭野戾寒盡草邊腥髑髏

鏃高于塚可有將

軍共賈生

半載從軍從死別茫茫聚骸已無分空將鷄黍酌寒食新鬼何  
曾識舊坟

升斗芻糧忘死士十年珠翠養蛾眉填填戰鼓江臯動正是佳  
人卧擁時

錢唐江上征牆蔽若耶溪頭裘馬鮮殘夜醉歸依遠岸燭光遙  
映淚潸然

婺州道中

寒山一帶夕陽西遙望平林青可携三十里梅花似雪暗香隨

馬過前溪

典衣

馬革心猶判牛衣夢已殘但教吾舌在且不計形單

陸武城起元字元兆萬曆戊午舉人由括蒼教諭遷知武城縣南都立政改官新安武城家素封居湖上其未仕時園亭之樂甲于雙湖陳都使民俊所云陸渾山莊似輞川者也亂後居新安不肯歸拘花園者遂為夫己氏所并亦不恤也久之遷于會稽憔悴以卒武城著述極多其集自國難後已有雕本今求之未得己丑春林都御史蠻菴徐監軍松盟至新安同人集于趙味元清豫堂即席分咏

花信風終紫棟花草堂簾拂燕飛斜西園燕集饒舊雨東海文

章盡大家聊以清尊消塊磊暫時靈夢寄烟霞流鶯舞蝶依然在不信春光去以賒

雄劍英芒付落花醉中題句墨痕斜喜從小隱聯鷗社莫向長安問酒家林外清風吹白氍山中叢桂籠青霞爾來已識蓬萊水東望扶桑路不賒

錢公子昭綉字觀文一字讓水知甯國府敬忠之子也才名與伯兄光綉相埒初甯國未出守時常流寓苑中樂其風土已而泣郡將卜居焉以硤中安土故不遷丙戌後錢氏之居鄞時以忠介故四散而伯兄居硤亦遂挈家住甯國日與沈眉生倡和此外不通一客親友招之不歸忠介之弟退山以癸丑死前此未嘗相識至是抱頭而哭相與各訴家事眉生嘗以先生兄弟與退山稱錢氏三逸先生所著集在甯國予求之未得但從其家



乘中抄得數首同年施大全念曾方葦宛中詩行當托其訪之

北古樓雨眺

掩映烟中岫飄揚林外舸雨來雲覺近天曠鳥偏高重露催黃  
葉輕風媚綠蕉少焉新月上樓外一聲簫

淮門志感

入門垂五柳煮茗誦黃庭桑柘寒烟起芙蓉霄露零月當秋夜  
白山自雨中青憔悴江干客方今忘獨醒

冬日同沈眉生麻孟璿顏廷生蔡大美梅李外施尚白殷  
荐之兄聖月登文脊山

羣峯繚繞護幽栖馬首雲生曲徑迷百丈蒼松依澗古千尋翠  
竹拂窓低間吟不覺隨流水登眺何妨逐野麋漫道林泉多歷  
落水聲山色送新題

張布衣嘉昂字石渠一字陶菴知甯國府敬忠壻也其早卒甯國一日少有天禮先生遂不復登其門甯國謝過乃復如初甯國甚愛先生絜之居嘉興之硤中硤中名士極多盛相聚為詩曰萍社山陰王遂東天台陳木叔泣其盟凡十九人海甯則周班青羊郭璿彦源查繼佐方舟吳維修余常部鼎余大嘉興則李明嶽青來王翊人王庭言遠鄭雪舫澄師秀水則陸鈿偉公蔣之

穉崇德則周九畝公魴鄭則錢忠介公肅樂忠介之從弟光綉菴即甯國長子與先生並豫焉沁水則張督都道濬深之莆田則劉復公來吳中則浮屠大鵬枯雪林壁竹窓慈共十九人唱和極盛亂後吟伴蕭然憔悴無亦多散而之四方獨言遠竟出山而先生以震澤諸軍牽連入獄僅而得免乃隱于醫行踪不出硤中藥籠所入故給朝夕其兄弟楊之歸

不肯兼工給事風節甚高有陶菴集長子曰與以明經官訓導  
次于田萼以進士官戶部皆能詩願以居硯中故其集于吾鄉  
不甚傳及予採詩之役其裔居硯中者甚微求之不得但從萍  
社卷中抄得之兼附以祠

張都督者遼左殉難忠臣銓之子也工詩兼善畫翩翩雅人  
而猶通將畧流寇犯沁都督據家為堡練鄉勇以禦之且奉  
太夫人棄城流寇數至皆敗而去議功當叙而以言事論戍  
于浙之硯中其後遂放廢殊可惜然予聞之梨洲先生祇其  
嘗與東林為難其實才如都督不當以門戶之論棄之彼東  
林諸公力為左良玉回護適以亡國而都督無為援手者反  
從而貶之是則梨洲党八之餘習也予讀都督楊白花詩云  
朝歌楊白花滿樹藏栖鴉暮看楊白花滿路飄泥沙漫漫路

查查雪色搖人醉烟草餘鶯酣怨不住啼似惜楊花謝春早  
楊花楊花勿浪飛飛時一一淚妾衣出寒詩曰烽火照漁楊  
驅車臨塞上旌旗翻白日殺氣姿摩盪天怒黑雲屯風送鼓  
聲壯蕭蕭班馬嘶士卒勇相向報國矢志深刀頭甯所望別  
孫白谷詩云日暮北風寒蕭蕭雁影單斷雲隨去鳥凍雪擁  
征鞍客久懷歸切交深念別離去留情不異揮泪一相看野  
望詩云日暮西山望川原去浙微雲橫低雲度風急帶沙飛  
落葉千秋靜歸人一逕希淒然看不極徙倚獨依依別談仲  
木詩云此身尚在即皇恩誰復張羅問翟門入世自知多傲  
骨逢君遂爾快吟魂山林寂寞書千卷風雨淒其酒一樽獨  
怪別離緣底事片帆東去矢孤村杞園詩云圃中何所樹滿  
林僅有杞可知憂國心于焉寄微旨皆有風人之而竹垞選

明詩自謂搜羅兵所不到乃萍社一集為其未中掌故部督  
與石渠皆其未中寓公且于殘明皆有關係之人竟不齒及  
其失之耶抑削之耶因作石渠詩話附之于此

王子喬

王子喬好游遨遼伊洛上嵩高學仙去家家三十載忽控鶴凌  
層霄來歸緱嶺之日時人可望不可招揮手故鄉意何依鳳  
簫吹落碧雲遙

同高元若舅氏登刑曹白雲樓用李于鱗先生韻

聞雞將起舞顧影尚沉冥放楚悲時局依劉感獨醒寸心千古  
赤双眼百年青無限登臨意邊茹不忍聽

秋日同韋公望月過朱將軍廟次韻

性耽嵇子癖客子亦科頭杖策花前寺携尊竹裡樓溪田丹樹

合大迴碧雲浮斜日將軍廟秋光坐更幽

送馮元度翁坦人北上

寒山疊疊片帆西把袂長懷罨畫題燕市東風新索駿蕪城夜  
月半聞雞詩裁梅影香生夢杯瀉林光雪滿溪遙憶曲江春正  
好莫遲錦字慰羈栖

滿江紅

感懷用稼軒韵

懷古情深任世俗無人能識課事業澆花裁竹小窓之北乞酒  
敵鄰嘗漉噴攤書閉戶遙懸履俸未時一枕到羲皇吾為客  
嘆世法鴟鵂逼嘆兵法螳螂敵似提携傀儡徒存形迹只要印  
垂腰浚紫誰怜骨滿郊原白對山河風景尚依然悲今惜

梅花引

春閨次珂月韵

綠鎖珠蘭紅翻碧沁韶光暮地清明矣愁夕好夢已難成那堪

又被鶯呼起 粧懶臨鶯期 慙乘鯉當初盟誓都虛耳有清燕  
子解怜香也啣花瓣歸窩裡

張部督詩已錄卷首予因檢萍社諸公不載于竹垞選中者  
一為錢忠介公一為都督一為查方舟一為石渠忠介與石  
渠今皆見此集而方舟家海昌曾與竹垞從祖大定同起兵  
江上乃竹垞亦沒之何也予因並載之其過鄱陽湖詩云湖  
水灌百川望望渺無際白日放平濶輕雲弄晴霽不知風雨  
時更作何形勢嗟彼當年間白黑競為帝事成 然興事敗  
空鬼厲豈少智與力天命有攸繫寄懷詩云幽居發廣志會  
須時運并左手挽江湖右手扶岱衡但教爵不受豈令功不  
成何能困泥塗刪刪難為情方舟奇士足與都督伯仲世有  
社青碧必不遺之谷音也

王公子存雅原名兆彥字麟友節愍公贊爵子也節愍殉難江都時其家方有閹牆之變而道梗傳聞生死未定先生闔門漂泊淮上及江東平歸故廬忽忽不樂乃奉母竟寓雷以當廬墓先生少有詩名江都諸寄公林茂之杜于皇孫豹君吳野人鄧孝感皆重之而故鄉倡和之侶反少及錢退山周殷靖董曉山邱蘊生董異于相繼游淮上始各與先生相傾倒然先生家被大予求其集不可得訪之江都亦尚未有過也

春日同餞退菴郊遊過陸淳古楊濯仙登平山堂

憶君與吾父同志擬蘭香煮茗夜共飲畫竹畫呼嘗孰意天運衰受祿死戰場白骨應木休君髮亦嚴霜垂老貧為累窮迫走他鄉何異籬邊雀損羽隨風颺棄捐勿漫道鬱結令人傷我幼處承平長年涉憂患進退多困頓百端集浩嘆鳥鵲喜晴和草



木爭炳煥爾我尚為人安可不蕭散携杯弔荒塚道上空怨惋  
與君且行行更過芳洲畔

暮春陸無文招同陸淳古林茂之邵方壺鄭穆倩孫豹人  
錢退山孫無言吳賓言蔣別士林祖道王眉双僧梵伊集

樂山精舍賦贈

禪扉遙對蜀山泉景物分明在眼前竹密斜通芳草路鶯多歇  
駐杏花天座中詞賦渾如洛塵外須眉宛似仙嚮游子那能無  
感慨萊衣讓汝待華筵祖達即茂之子也

雨色蒼蒼萬樹齊逕雲深處聽黃鸝主人為惜春將去高士何  
如關以西嚮若摘小園呼琲璫尊傳清醪映玻璃更怜前代風  
流逝移席重教翠竹迷

先生與退山侍御獨厚自傳稱以為異姓骨肉砥礪甚至

嘗稱其詩曰明月照東序應光臨前除桂蘭樹北堂香風  
飄庭隅是也先生在遺民中最後所曉山東陸無文詩云  
吾党有小子少孤曰王孫一為緘相思艱難保令名是也  
證山隨筆有云予近見麟友年四十七而鬚盡白有女無  
子殊不欲歸故國可嘆也則晚景之寥落可知今詢之王  
氏後亦無言先生之顛末者

錢隱君肅采字子亮忠介公第十弟也乙酉年方十二在軍中次  
年隨兄乘桴先生少慧其在南海溪之間昕夕倍兄不離左右  
忠介治戎之暇即諫先生請楚辭擊竹如意以和之己丑從入  
翁洲或荐以中書舍人充贊畫不受辛卯僅而得脫時先生正  
盛年願胸次惻惻自以不得從兄遂東西奔走所至授村童自  
給不肯歸家亦不肯娶婦甲寅卒于淮上之蘄家道口年僅四

十有一先生雅工詩惜皆散亡忠介諸弟各有志節先生雖以令終然鰥魚漂泊以窮餓死其視檢討推官之義烈正未嘗不同一門之慘反成一門之盛良可感也夫

退山四兄歸里

鄉心無力遣伊威只送征帆度落暉為報故人知我在却將心事與君歸

續耆舊卷五十二

槐庭唱和諸子之一

雪蛟山人林奕隆字萬葉大恭祖述小子也才氣突過諸兄負俠骨畫江之舉在莊太常幕摩盾草檄盡瘁最多太常荐之以明經召對上疏幾萬言時不能用先生亦竟去從此奔走江湖發為文詞益橫厲先生本烏衣子弟至是家貧如洗時絕粒以至授徒糊口然其志節不少屈少工度曲既鬱不得志乃為定徵之音酒闌其伶人長歌以舒其憤懣旂亭中無不知有林四公子者竟以病卒年四十有九先生以著放言集不下三四千首身後失之其子宏智從安邑張氏得其初稿一卷皆三十以前之作亟抄以歸其餘不可得矣兼工古文其為莊太常大還詞詳見太常卷中

秋日雜興

秋色下古屋淡然瑞居中當午有餘暑北窗依涼風散誕興書臥  
千載幽情通夢醒無長短墜井飄驚桐因茲念哀鳳戢羽隨冥鴻  
飲啄非其時傷哉弋繳工以四壁間嘆息成吟蛩

夙昔兵氣動山河忽遷安絕域吹笳殷悲啼螢入殿漢帝旌旂空  
晉代衣冠賤采薇薇其噓雪千萬一不見騎馬嘶金風健兒調鉄  
箭誰知居延降不及淝水戰志士重節義殷身固以願安得踏黃  
沙月明射鴻雁

李陵漢罪人子卿其之別至今讀其詩淒然見孤月牧羊事雖微  
不辱手中節歸來拜天子画園貌如雪議者論功賞勿以交游絕  
丈夫貴自立安必懼汨沒

日出東南隅

日出東南隅光氣不能遏婦采陌上桑貞志不可奪彼日有時晦  
崦嵫夕當沒而婦不朽名皎然獨長揭曼、夜未央罔兩恣仇達  
誰其駕六螭一旦超冥渤挂弓挾桑枝萬古射天闕鬼神不敢動  
使我食軒豁

昔日歌

昔日臺館多賢豪今日邱隴皆蓬蒿秦侯既廢楚相死負薪種瓜  
何蕭條人身不如松柏樹薤葉離披散朝露長袖華簪回首間滿  
眼滄桑抵非故嗚呼一歌兮心初哀斷塘蒼茫皆雲堆

漢帝節儉意有餘唐宋播遷傷何如宮中獨惜靈臺費嶺外誰回  
靈武興觸蛄聞蜚空勞神鼠跳孤嗥愁殺人靈管一報白日墮關  
山萬里飛黃塵凝碧池頭舞馬地明光殿上爭虎臣嗚呼二歌兮  
仰天泣泰山欲頽海水立

赤雲夜壓長安關歌舞銷沉鼓鼙揭番部千羣或落河仰面弓  
射明月五侯八貴競繁華愛姬嬌女如春花裙釵亂馱上湖馬金  
錢賤賣娼家客來但聞名其氏躊躇彷彿曾相記兼恨還兼喜幸  
至却是朱門舊奴隸可憐細語慙不明為我天涯訪夫婿嗚呼三  
歌兮歌悲涼琵琶感衆摧肝腸

班馬蕭、過大河舳舻泛、浮滄波落日飲酒且高歌金陵六代  
烟花多去年花謝金臺香今年花死吳宮沼江南三月春空老金  
雀銅駝夢芳草帝子王孫泣路歧古魂啾、無家歸不知江岸輕  
舟渡只聽城牆無角吹嗚呼四歌兮歌淒楚空山杜鵑血如雨  
白馬津頭翻雪浪黃熊穴旁簇天仗醪酒橫梁安在哉惟有南冠  
笑相問夜來風雨走蛟龍海日上挂扶桑紅神仙縹緲不可從令  
人却望蓬萊嗚呼五歌兮思悠然白眼睥睨窺青天

書劍澄江發桑櫓看飛蓬竄奔竄已知鼙鼓出咸陽氣結蒼皇  
不能語赭山、邊日色昏孤身徒跣歸柴門蜩蟬沸莫通城市入  
戶僅見妻兒存淚淚憾惻兢前道恨尔歸來苦不早桃源曾聞避  
秦人小隱青山何處好浮家南去入隆中魂斷遙怜駐簾鍾西火  
茂陵四壁真蕭索獨踞深溪麋鹿跡山中虎多不可住為傍寒雲  
掃坟墓夢裡還尋舊燕巢双扉犹有蒼苔護嗚呼六歌兮歌正長  
斜日啼鴉歸故鄉

既不能擊劍躍馬卧戰場又不能黃金結客走四方顛毛日短頭  
顛老空說貧賤工文章堂上又哀母堂下有弱婦稚子飢寒半若  
何此以曳裾彈鋏良且恥卒有一片心萬古不敢死嗚呼七歌兮  
涕泪枯世人悠、誰丈夫

結客少年場



結客復結客，四海眼双白。少年場中無氣魄，不令我快令我惜。空  
抱黃金仗穴隙，市上誰家無賴兒。殺人如草人不知，芙蓉夜乳觸  
骸肅。欲答一生愁，無期主人有仇。洛北卽駕車迎之，上高堂，侯羸  
避席，寄諸章大兒、荆軻小兒。舞陽長跪上壽，報不敢揚，修出朱門。  
疾如矢，峰擲頭顱點。為水秦箏，趙瑟彈未已，嗚呼散盡黃金，偏結  
少年作死士，為我斬仇報君子。

雜興

落木小庭中，蕭々聽不窮。風殺騎繫馬，雲影亂征鴻。蘇武隱山北，  
田橫蒼水東。緼袍何足恥，吾道問長空。

棄置復何慕，乘槎如可從。天寒安草木，江冷失魚龍。獨夜捫心苦，  
連朝理髮慵。憂貧空浩嘆，廡下老吳傭。

十二陵何處，傷心望景湖。朝天應舞馬，戍野亂鳴狐。衣帶血犹濕，

江山汨欲枯誰能一尊酒風雨共啼鳥

一旅從勾踐千官尚會稽  
綢繆知壘燕浩蕩見梁鵲  
捧日封章滿臨江歌舞齊  
空怜白馬渡衰州暮雲迷

旭日海門開東流去未回  
衣冠入雲漢宮闕出蓬萊  
天子龍為馭波臣蜚作臺  
濟川功可計舟楫敢言材

雄心今已矣拔劍落霜花  
萬里嗥封豕孤臣泣怒蛙  
此餘惟有骨不敢復言家  
欲借漁陽鼓風前一搥搥

### 懷友

君是騎箕客如何世已非  
滄洲書劍老華髮水雲稀  
白雪歌誰和青衫淚自揮  
應詢織履者為我念牛衣

傳三涓

白日狂歌裏伊人接楚興  
壯心消伏劍古貌隱傭書  
星緯乾坤事風流木石居  
圯橋如有約行矣莫躊躇

陸大綬中

一公子千古歲寒心繫雁遥書帛烹魚獨漑菴誰能怜沈約  
君可愧陳琳知有聞蟬賦南冠一對吟沈士頴

題葉將軍忠勇墓示公孫謙

年來忠勇竟何存裂眚惟將往事論七里橋猶聞敵愾百夫長獨  
報君恩名留青簡犹存史泪洒黃泉尚有孫便欲呼公橫一劍精  
靈風雨洗乾坤

客剡曲寄懷社中諸子

戍樓鼓角動嚴更獨攬寒衾憶弟兄我祇為貧甘作客君能何事  
不関情風霜冷落前朝事雞犬蕭條小縣城流水柴門無恙否雁  
書雲外好傳報

西湖初度

年來四壁賸吁嗟偶挂征衫覽物華淺浦漁舟衝水荇寒峰刺眼

着霜花山河舊恨孤臣塚松菊高情露士家遙憶故園稚子事柴門迎望夕陽斜

秋興

陰風初起白狼山誰遣燕子慟哭還吹角黃花通泰谷垂鞭明月入榆關樓前梧葉渾無賴江上漁舟好是閒飄泊思盡兩柄揭應隨秋色惜朱顏

野狐嶺外雁低飛夕照沉捲大旂昔日朱門寧宿莽誰家綠鬢搗寒衣城啼瓦鳥風前急野哭離魂月下歸安得吹笳唳樓上不須征戰解重圍

秦皇東狩望麟州宋主南遷狎蜃樓豈為仙游忘失鹿不堪高卧對鷗眠檣帆盡挂寒潮碧宮闕姑開落自秋莫使滄波空浩淼蓬萊何處倍生愁

海國蒼涼古堊城山頭烽火照人明  
西風乍起魚龍臥東日長懸  
鼓吹迎君子六千歸越水公徒三萬復周京  
遙知鴈碣就無恙未  
與銅駝泣蔓荆

軒轅黃帝墮龍鱗魚子山陵莫忍瞻  
報主橋邊歸豫讓逋臣籬下  
醉陶潛斷腸白接闕城草回首蒼迷水  
渌兼何日風光還細柳不  
將秋思苦相淹

瞻東湖樵夫祠

兀然中土祀樵夫生色須眉入画图  
塞外陰風搖北闕祠前明水  
荐東湖唐弓血濺星經交漢節  
報吞雪窖枯遙對白蘋羞下拜幾  
人能向執金吾

續耆舊卷五十三

砌里三李之一 附女美儀

東洲遺老李鄴嗣原名文胤以字行又字蘇亭學者稱為果堂先生儀鄴桐之子也年十三即能詩補諸生丙戌儀鄴喪戕奔走山島海寨之間先生輔之戊午人日大捕甬上荐伸其父子並者高都御史斗樞父子其李氏時先生年二十七歲已為輿論所屬若此因于蛟門七十日甫得脫而儀鄴之喪自杭歸殯畢是年七月再下府獄蓋降臣夫已氏餘患未已也聞者以為必死而先生在囚中其此居即華公嘿農楊公楚石故地方作招魂之詞以酹之已而終不得死自先生蒙難後蓬蒿滿三徑又時、善病或疑壯心已盡不知其遂日焦原左執太行之狼右縛雕虎之蓋如故也而不大靛色以泯其迹庚寅為侍郎跡仲

之難其監軍姚江黃宗炎別有日矣時傾家救之者為公子道  
濟奔走其間者為董農部次公天鑑高隱君旦中卒成大事者  
為農部履安三先生之力至于道濟遂出之劍芒中癸巳黃岡  
萬僉事兄康來吾鄉及別先生餞之座客為僉事筮易得睽之  
三輿曳午製人天皆剗皆大賊先生因固清僉事且潛身帛上  
僉事不可行之吳中楊崑之突作先生終身痛之先是為永槎  
莽兩世及其家難大帥搜得其此與中土往還筆札欲按籍之  
先生以奇計使中止其此保護尤多餘蓋不能以畢傳嘗有客  
以故客什器求售者先生一見其題識流涕汎濫不能自勝其  
人亦泣然而去燕人梁耿方公狄嘗曰鄴爾將毋使勾東一片  
地盡化為碧血蒼磷大是可畏康熙戊午浙之大吏皆欲以先  
生應詞科之荐以死力辭而萬徵君季野亦有史館之招先生

送之嘆曰鄭次部能招郅君章周隱弋陽山中不能禁其喟然  
而別從此出處之事且有操之者徵君以是終身不受館職暮  
府以重幣乞先生課其子為詩謝遣之庚申卒得年五十有九  
盖自戊子高武部隱學卒己未周隱君鄧山錢隱君法廣卒是  
年倪評事端卿暨先生卒辛酉先生成菴靈士卒壬戌先生兄  
鑒樵駕部卒癸亥陸隱君春明卒甲子徐明經霜皋卒甬上者  
舊為之喪氣以余乞窺先生之不甚長故能側身患難之中九  
死不死其所以不死者盖本欲留身以有為而卒不克故其詩  
曰采薇磬、是為末節臣縻犹在復其夏室是則先生之志也  
此固莫逆故垂死而喟然以不從五君子為恨是非先生之志  
也然則九死不死者已且扶九鼎之一絲矣嘗謂先生一生流  
離國難則宋之謝翔鄭思肖委蛇家禍則晉之王褒唐之甄逢



周旋忠義之間則漢之云歟問于直而卒以其餘力任肩上文  
獻之重輯前輩遺詩編為作傳粉社風流藉以不墜此著日本  
集外尚有西京節義傳一卷漢語十卷續漢語二卷南朝語四  
卷補世說若干卷文集世說新語謝韻詩別為卷先生私淑叢  
山之學于梨洲私淑之璋浦之學于大滌山人何義非呂漢常  
碩終身未嘗開講然其忠孝自持則此謂真學者其人也子瞻  
別有傳

梨洲先生作墓誌云甬上有湖社仿場屋之例糊名易書以  
先生為主考甲乙樓上少長早集樓下候之一聯被賞門士  
臚傳如加十麥明州自東沙好文下士主張藝林無捧珠盤  
而至者然其風力足以鼓動不盡閩著作先生以布衣獎之  
頡頏而肺疾為根流放家門海內知之者尚未滿其量也集

南者舊詩搜尋殘帙心力俱枯布衣孤殘尤為惋結宛轉屬人則頓首丁寧使其感動奪之鼠簷簞篋錫笛之下以發其光彩若片紙未出是比長吉之中表凜乎有不祥之惧焉詩立詩人之位祀以少牢聞者為之軒渠

先生外集文已行世其內集二十卷未嘗出以示人予自京師歸力勸其孫世法出之乃擇其尤精者得八卷開雕今是編合前後二刻采之然限于尺幅終不盡也吾友杭編修世駿謂景堂文良稱作手然如馬吊說似不可作予曰馬吊說有深意其言馬士英用而南都亡馬吉翔用而粵中亡此二語甚可感編修謝云吾讀之未詳也

聖人出

聖人命世天開土平驅逆復基則有漢吳一解  
商都遷五盤庚歸

毫周從洛京卜年五百二解春秋河洛簪華告成劉氏握寶先兆  
聖經三解大德炎、繼世克光愉、高賢民此不忘四解神禹有  
孫廬正是理大漢之亂乘牛而報五解舊德在心舊臣在塾宣王  
南征載左二雅六解

善哉行

登山採薇重嶺下山山壑元霜百草失顏一解蟋蟀就田行復入  
戶秋風遷人我栖何沙二解振衣夜立瞻拜夫極明、華漢下矚  
微軀三解壯氣不屈我髮易邁志壽萬年其過乃大四解永微經  
礎是為末節臣靡不死復興夏室五解

滄海雀

雀元欲高昔犯今瘠生長滄海旁不遭彈射昨元喙檐溜苦遭光  
翁遺雀涕語翁終歲相依忍撲食舉頭謝雀不見圍死菁莪死麥

尔有翼逃我安適試死望空城人骨多無鳥骸

呼屈公

李子既被執登舟呼屈公者三將自投甬江死然銀鑰繫之竟不得作呼屈公

日寢下兮高春潮不緩兮命將窮嗟乎仰天兮呼屈公

抱鎖吟

李子在繫既夕乃中夜抱鎖而吟

朝抱鎖兮氣暄久抱鎖兮久仲誰識予心兮彼徒賓

行路難

昔年臥園草園死苦不高瀝血園自明未肯訢奉陶羣星無光鵠鵠叫銹索周身亦窈窕鬼伯將紙錢向人疑冥天

猛虎嘯深山皮爪常落市鬼侯匿大仇空為其道使物情有反覆

元惡克如此君不見太平之日仁戰生竄竄不敢白日行

江南有蒼鳥自呼曰薄杜性不向北翔翼、栖故土嶺南靈鳥自  
稱曰秦書不重金錢五十萬餓死表微節我聞此鳥涕如雨走抱  
蒼宮十圍樹、前老幹盡南生下有古人五尺墓

步出浙江千駿馬風射華髮曾此聞戈船隔岸西陵飲馬窟窄行  
碍辰齒莫是當年死士骨銅腥漬草、不長鬼作戰教犹恍惚君  
不見蛇龍夜徙田橫島海潮不到江湖小

少年曾結客意狂千黃金吳鉤當路市逢人但吐心道是儒家子  
避塵愛葛履習飢未嘗言自甘蒙袂死貧儒不且怜燕使何以喜  
及予歸東奉荆扉不繫馬時、耻儒生履我簪到下

短歌行為履安作

辛卯仲秋同諸公集寒松齋夜半杯闌履安出其此藏先

世萬戶公苦身二通俱高皇帝為吳中時以賜劄尾御押  
甚奇梢下有徐中山押小并腰懸未得一面以黃綾裹之  
俱三百年物也外別一軸則此圖列世像自萬戶公至其  
先大將軍止履安并為述開國時四忠三節一義事甚悉  
予輩閱罷肅然各為詩以紀此見而公狄先生倡之

四忠三節一義堂秋風萬氏幾瓣香百世勲名歷可數名目高士  
別一譜悔菴名姓天下知江南重叟讀文詞角中今已投大海泪  
盡惟懸双目在手植名山得不北力挽天池逆流水冰心尔我更  
誰同霜皋先生二三子此時白晝掩柴荆寒廬蕭蕭松濤鳴不料  
秋天聞剝啄入門有客先慟哭、聞始辨是梁公芒鞋躡跡訪江  
東吾識梁公嘆奇絕天北天南氣潛結知君門第舊勳臣停危時  
問傳家物干戈不燭火不焚捧出滿堂俱变色尺木腰符螭鵠文

梁公跪讀呼小臣赤帟尚頽漢玉璽吳公手判告賜身缺畫已往  
真生色傍押淮吳翼帥字古綾裏劄稿子黃萬戶圖形列班次夜  
深歛若閃朱旗咫尺漸聞劍佩至百灵繞屋不敢行堦前草木盡  
有教嗟夫悔菴吾語子世受天恩孰能似西臯墓側一草堂哭謝  
高皇正在此悲夫更呼大寧遙指南跪向鍾山漚酒三臨節四火  
城邊熾悔菴不作老高士摩挲此日豁双睛槐里君家兩世原

歸來歌題寒灰道人像

歸來乎蟄菴先生宜荷鋤六螭徐徐慎莫徂曾泉斯世忽及晡元  
雪一朝蔽九野赤堇之魄亡跋烏天雞失聲久不曙君行何處張  
青廬先生歸來乎東海揚塵從歸墟城東鼓鬚未縛鯨壽令岸西  
不得住西湖瀛洲荒草孰發鳩小臣坐得意君行何處乘草杼先  
生歸來乎來一瓶塔下萬鬼萬年枝上一鳥呼歲在甲申我曾哭

至今遺血沾鼎湖深亭故老三嘆息君行何處澆杏酥先生歸來  
乎徐君墓前劍草蕪岩陵臺上朱鳥通有雲浮鬱復南至千年蒼  
石空齟黃冠一去終不返君行何處招靈巫先生歸來乎六經狼  
籍橫荒塗二十一編事盡誣詩中數字傳甲子名函久、沉浮屠  
我生但願不識字眼前文采非吾徒先生歸來乎先生歸來宜荷  
鋤

胥潮行

八月高颶天上來胥江疊浪如山堆伍相揚威不可觸秦皇當渡  
空徘徊雷駭雪擁洪濤起北赭南合龍愁對峙白馬疑奔練影終素  
車隱影聲散裡鴟夷之器未飄風厲鏐之銚尚吐如野麋饒入夫  
差苑蔓草旋生勾踐宮吳亡越伯斯須度獨有灵胥難泯怒湧勢  
常將地軸翻傾波若向天閔注江濤險有如此不須鉄消沉江底



欽馬誰教水伯逋控弦誰使陽侯從吁嗟乎巨壑填盈精衛朝可  
枯潮夕枯沙蘭亭夜抱冬青枝繫之涕不可絕

死戍墓歌為給事姜貞毅先生作

思陵望治苦若渴側席重宣故相出二十四氣扶正人首持魁柄  
捧白日萊陽姜公在黃門平生忠為感士尊極論丞相真有力要  
使言官氣得伸止怒赫死不重却念直臣心稍動且將赤捧代啟  
力生謫不投人蘇甕聖朝從諫本如流坐看雷硨電射收天威朝  
逐陳子壯皇恩夕召黃道周臣採哭辭闕下出數到宣城四十日  
忽得龍馭遂昇天環未及還坎未決小臣目斷烟雲不自振英戈  
甲下御人間今已絕金雞待到黃爐方遇赦勞、南史啼南陌鵲  
鶴催歸、不得舊館惟尋奉伯通殘命仍投閣于直三十年泪無  
數白髮青山同旦暮遺骸只葬歌亭即萬古漢死臣戍墓君不見

先生仗劍排閭闔臣挾秦弓待其側東臺給事生上言宣州老兵  
死殺賊念祖堂前異草生青松隴秋燐碧請取孤臣不死心專  
歎岩一片碣

贈語溪曾黃門歌

銅人泪滴茅人眼漢皇寢殿深愚陷杜陵狼籍虎文衣秋風刈郎  
看摩劍趙家冤湊一壘瓶天陰啼襍馬牛散不道一邱蘭上土有  
人月黑抱冬青此時鬼伯先如此日逼諸君上蒿里只從野外哭  
忠魂誰識路傍流義髓義髓流為千載碧山鵲照眼泉鳴咽家  
骨煖一壘泥幾叢乱藁無寒食語溪黃門義丈夫肯將十匱覆黃  
壇樹上只容栖怨鳥田間不敢走妖狐墓石官偕都不計小碑只  
篆嗚呼字碑前劍草發兮春何人垂淚馬双垂安得燒紙千萬堆  
盡掩人間義士骸萬盂麥粥千竿紙土花開遍髑髏臺神旂颯

飄如雨中夜聽喚諸公諸深蒙範式挽灵車多謝張融著高履

題細柳營圖歌

龍城萬騎盡披弦軍日大入勾注邊羽書奔命一夜發狼烽立看  
接甘泉漢文皇帝籌邊久虎符只召河內守防秋分遣三將軍霸  
上棘門連細柳太尉家兒大將才乘輿謹候壁門開軍中只令將  
軍令皇帝咨嗟按轡迴史筆龍門曾敍出後落圖密令協律極寫  
軍容稟可觀堯鑒甲仗俱精絕此卷何年入井中錦軸牙籤列席  
同一朝銅馬蹂宮闕血汗縹緲四庫紅東壁光芒墜地矣御前翰  
墨無人理有誰竊得善本歸題跡宛然尚可尋白頭宮監坐市坊  
手持函卷俱輝煌名馬載還胡蔡琰索阮送去漢王嬙就中一卷  
尤堪記中官未語先垂淚往事依稀四十年傷心說到先皇帝此  
時冷謙細柳圖先皇取向王几鋪卷上兵威真嚇咤喚起西京周

亞夫其時戎馬方紛擾漢之飛將今非少血戰仍求刘大刀將略  
還推威少保先皇却動遙感執觴在手卷未掩無限憂思將帥心  
傾落龍膏酒一點老奴適在華清直捧向玉階日光炙侍臣外以  
那得知不鎮天漿人不識四十年来色如故百灵不散應相護買  
去須為玉寶藏從頭再與諸公訴吁嗟乎先皇推轂思何苦皇、  
每飲愛無數展卷猶如聽鼓聲發國若見提挹斧後來亦有周將  
軍榆林百戰報君恩恨不早教懸鵲印繁壇專與鑿凶門此卷令  
為世家有小臣作歌紀其後漢家天子亦拊髀不及皇一酒滴、  
縞衣夫人歌

夫人張氏梁公狀先生配也死難時甚奇先生使余輩賦  
之因其著縞衣自焚後能形見作縞衣夫人歌

高風颯、動青嶽客子誰過此獨游荒原喚盡六妖驚碾輪有教

知髑髏短莎新茁露金鏃女牆識是古商邱入城行到官舍頭此  
時雨黑地漸收放佛神姝加素料羽飄蜚撼霜影歔哭殺入耳遂  
黝黯客行却立更理眸紛若烟炊去莫慘道旁老叟引客留君無  
近前天女愁去此本是縣南樓當年茂宰稱梁侯夫人節莫  
傷問客何曾識其由叟欲重言殺咽喉憶公移治舊中牟重簾八  
日賊犯州書生力禦手執我願謂妻孥善自謀夫人忼慨流不涕  
縞衣密製夜火篝果聞城陷銅馬踰登樓北拜妾無尤投環遺命  
疾攀柵闔門忠燭吐爵攸公所不死人日瘞香骸免護尚可求至  
今風雨頻啾、土人祠下酌漿糗客聞語畢泪若劉自傳賊起二  
十秋大河南北無尺曝文臣族國等俳優將軍十萬起塊塹金軀  
保室真良籌貞心誰與夫人侔一觴立起莫濁醪古傳此揚有此  
不

夜訪

夜訪專諸巷霜刀鎬血痕只園雪大恥未許報私恩巨斛洗心白  
殘星掌落昏明君試望赤電越吳門

繫中詩

萬死非今日餘生敢自嗟臺陰疑即夜繫久欲為家日落犹懸島  
風嘶只引笳離鄉纔尺水白草已天涯

老眼嗟吾父征衣憤未消蛟截駘戰壘冤氣夾江潮率主終思舊  
皇天適縱驕固陵原上早無主自蕭

泊定海野哭

驚心前日事野立久倉皇鯁壘沉樓艦薨宮葬國殤空城霾日脚  
舊壘墮星芒橫海威名重何時下戰洋

我寔愁來大荒、天地昏悲風嘶虎石毅骨立蛟門國史千年寄

臣心一綫捫關河戎馬在何地可招魂

飄泊吾生事孤蓬復一方江烽催鷺雪野燹燎衣霜艸木俱兵氣  
親朋半戰場犹怜心未已啼眼望南陽

壽梵大師六十次韻

黃鵠單飛早脚怨精衛同負戾龍領下洒血虎蹲中異質天公鑒  
深情海若通未亡四十載甬水尚悲風

歲老蒼宮見衰門後祭初念公真有子李燮本依兄兩面投文佛  
冰心坐化城人間甲子過舉拂任縱橫

秋夜書懷

岸幘銀鐙上移床鼎鑊中骨留經萬簇壁立党孤相鷗眼終愁日  
衡根不掩風寸心應未腐夜對缺灯紅

廢人間欲死老屋破如村鬚髮看青白桑禾念舊恩煙荒留宿火

竹億守孤根莫再登高哭誰招朱鳥魂

憶昔競彈冠從王浙水千簡囊焚舊州通刺隱原官其顙寧無泚  
于心豈即安君臣石室義莫作夢中看

剪紙頻呼我魂終不可招空城聞噪犬嘉樹見栖鳥人意營三窟  
吾生守一瓢皇天有真命未便得終驕

記得高山骨寒巖葬一星烏應栖吉了葉只覆冬青採藥何年逕  
摩厓幾字銘故人誰念我劍州問荒亭

偶作

鄧州遺霜氣形勝半無双兜氣臨諸島蛟聲束一江異時分列艦  
此地盡持幢如綫高皇脉翁山氣未降

燕春飛、至能尋舊主家來時從異國生雲本中華人識烏衣敬  
門伶馬冀加堂前相慰語仍發一欄花



諸公集草堂談及先儀卽畢命時事

園牆如夜鬼神猜垂死累臣目漸開豪士虎林排草至故人鴻雪渡江來具舍重見銀鑪血執紼猶傳車馬哀獨有望親双泪斷蛟門風雨一時迴

虎林星氣散茫、大鳥悲吟復下荒日落雲旗歸滌海夜來戰馬奔潮陽劍懸壠上人仍集椎擊沙中客尚此日倘尋蒿里哭西陵宿草是尸鄉

從僕夫處得一小表是先公獄中此服敝髦俱寸、落

刺日相看舊著袍幾曾禱袂一長髯遺邱已表初封麓大窖犹存未噉毛柴骨其經冰雪苦麻鞋並逐虎狼嗥哭餘方寸應俱裂司連衣冠何日遭

鉗頭招華楊諸公

戊子秋後下郡獄因念同里華楊諸公傾者皆以此詩以招之

憶向西臺哭不禁鉗頭此日續南音  
冰城初築君先入劍樹猶開  
我後臨幹弱文天留士氣霜青  
荊草見臣心重泉疑隔無多路  
預通香風夢去尋

寄懌沈哲先

遲君今始入冰城獨酌臯陶血半罌  
園州已從前歲碧朝曦惟向  
此中生難恬鷗鷺三更夢如寶銀鑄  
百世名自古著書多在元懸  
知解鑰一編成

題甬上耆舊詩刻十卷後

馬火兵冷照眼皆誰從野燼拾遺詞  
魯公故客爭傳句翟氏門生  
亦有詩年遇庚申文更妙人存甲乙  
事俱奇埋山沉井須臾出豈

待他年定是非

西陵絕句

會稽行在隔江頭不把杭州作帝州故老莫論千載事年來吳越幾春秋

桃花如扇焰人明亞夫墳前酌酒回莫把從來成敗說當年楚漢幾奇才

三台夕照尚餘暉相望于墳共岳墳一時蒼公藏骨後湖山如面遂三分

司馬墳前客遇頻瓦灰常見紙錢新豈知哭祭文山客只有西臺甲乙人

附女美儀林都御史時對子婦也

奉和家大人草堂課耕韻

高疇新雨足布穀喚春耕千畝迴村綠三家繞舍平  
犢肥田豎喜鳥起草人醒惟有田翁樂悠然候歲成  
東舍幽栖處柴門接野田一春滋草徑三月釀花天  
林雀造晨霽鄰雞報午烟頻年收穫好膝下得歡然

續耆舊卷五十四

西湖七子之一

披雲先生為七子之集曰余使君嵩曰范公子兆芝曰宋徵君誼曰董隱君劍鐔曰葉隱君謙曰陸孝子崑余范則寓公也其後余范他之葉陸天折祇三子相唱和余錄其詩各為一卷

披雲居士陸宇照字泰明卒者稱為明懷先生古都御史世科少子也右部五子而第四子為節介先生最崛奇然節介性剛以不可者立斥之于千里之外而先生稍和易故人多畏節介而親先生丙戌國亡弃衣中徘徊湖海間節介方恭豫清募軍務先生左右然不克杜秀才懋俊死節介先生為撫其子親之如此此生張闥學鯢淵之孫以俘入獄先生百計求出之當時不可

則以百口保之葉秀才謙死無子先生養其母終身故一時游  
客至四明者投多先生如青神余先生嘉華亭宋先生龍桐城  
方先生授皆居觀石堂中而方死于象山之邸先生為合斂焉  
遂以此落其家然先生不以為恨也先生雖和易而大節此在  
操之甚嚴為祭酒世振有名命或傳其將出山矣先生賦十斷  
句為之祖道諷以危素和州之行祭酒笑曰翹車之詩有云畏  
我友朋此之謂也卒不隱壽昌寺僧悟留故名家子有志節先  
先甚許之已而以其志有難交索還其詩贈緘衣悟留謝過而  
止性喜抄書日夕無已臨終歎曰東萊趙隱君避國年譜吾大  
郎許抄寄尚未至耶枕上賦自挽詩四章而逝初先生之隱也  
終歲練衣蔬食叢林多以為佞佛也者爭勸之披緇先生笑不  
答及未命不作佛事乃知其學之正而前此心喪之別有此為

也少時嘗買茗娘已而知其為宦家女也不索其值亂後傾家  
以贖子女之被掠者然未嘗任德三鄰以急告雖出其晨炊之  
米應之勿顧也然以先生之大節言之此特其小焉者耳賤山  
先生序其集曰披雲戴冠正襟危坐一室焚香澆花意其人為  
右丞蘇州一流乃唱歎之餘則為明徵交毅如風如雷不如者  
以為詩殊其人其知者以為人寄于詩也論者以為知言

先生之詩極多其存拙嚴始則范丈香谷選之繼則董丈  
曉山選之最後周丈方人又選之不滿三百首先生之子  
經且垂老屬予藏之今先生藏書散盡是集以在予家尚  
存

右都于予家為南隣相隔祇一墻先宗伯公湖上之集右  
都以後輩忝焉先大父兄弟其先生兄弟以此相如同產

先侍御緩急最多及國難後先生絕口不談大父尤感之

烏啼謠

烏夜啼烏啼殺獨苦城內血肉飛城頭化作土敵骨吸髓甚燒死  
烏夜啼烏啼我啼噓武曰恃無恐文曰求苞苴朝三暮四民其狙  
烏夜啼烏啼天欲旦築城恐不堅城堅民心散築城轉為民之患  
烏夜啼烏啼一何恣胡亥生深宮亡秦者三戶今日高城何如古

白雲

白雲徐來雌雄時或彼鷗不潔謂我德哀赫我鷹隼訕我蓬萊蘭  
室有就疇易其馨鷗雖徙地未改尔音白圭之玷蒼蠅之心

杜生憲琦夢父魂歸漢述此見聞于予、哀其志即以求韻

作詩慰之

此地今稱君子鄉書生報國義殺揚別來故土滄桑改話到荒煙



嘆息長斗酒，隻雞誰送墓。束芻挂劍，獨揮觴廿年。尋到君家，塾伏臘，無慚美兩郎。

霜月讀書

衾單步中庭，履穿趾可數。把卷敵天寒，樹立夜已午。淡月勝無燭，霜風刺双股。余非揣摩者，聞雞聊起舞。

代琵琶婦解嘲

不見春風花，春花隨地死。不見南山烏，年、擇故枝抱此區、心紅顏須及時，非不慕古人礼法，唯療飢但博朝夕歡寧，願誰為誰還取故夫意，免轉事新知。新故轉盼間，生死酒一卮，可伶東隣婦白首柏舟詩。

姜如農先生哀辭

宣州成居之遺裝兮，鑄以萊陽百鍊之貞鋼。雖千磨其百折兮，曾

何損其毫芒猶是上方之清劍兮佞臣未誅二十四罪之張皇猶  
是陰山之折節兮羝羊不乳飽餐三十餘年之雪霜天威咫尺兮  
在耳猶聞其煌煌九京莫作兮悵瓜期其未央荷戈春兮杜鵑啼  
血歸何方荷戈秋兮上林無雁帛何將朝挽東溟兮願濯饒千秋  
桑暮揮落日兮掃長夜之境擒提戈兮復擊楫中流四望何湯  
枕戈忽起舞雞報中夜何荒腸結鼎湖旁望斷蒼梧鄉縱汨羅  
之蕙纈兮振依首陽之高岡吁嗟乎我亦故國之愚公兮十年一  
劍未試鎡何當執鞭以相從兮偕羽毛而翱翔

哭葉謙

斯人有斯疾天道竟難知淺土猶三世忠勛僅一兒若教鬼竟饒  
伯道復何遺道路存公道空庭助母悲

尔祖勛開國孫支自式微戰場准放牧功券莫當飢共羨左車後

家藏稽紹衣從無王氏臘孤竹剩商薇

登高同我意曾哭北山雲石瘦泉多咽秋深雁不羣避愁將蹈海  
憤世竟修文滿腹千秋業如何三尺墳

十年風雪臥不是學袁安陶母荐常坐馮譙缺扁彈曳凋松柏折  
土薄蕙之寒左右柳榆兔今應信蓋棺

謀非藿食樊亂去敢言家心胆填精衛文章珠女嫫減磨高士刺  
寒落故侯瓜我痛西州路秋寂噪春鴉

方沈予止友黃昏照若曹閭年齊盍旦循髮歎心僧絨恨同荒草  
狂歌若添灯冥途犹意氣把臂說中興

秋日同志諸子修湖社集得同字

秋教聞殘葉萬木盡無功蟬咽荒庭竹湖光野岸鴻淒涼千古意  
忼慨一尊同筆墨開天地無言心力窮

歲暮將營生壙灯下有製誌銘達旦無寐

殘冬生置壙達識亦心勞對酒懷亡友挑灯咏楚騷天寒雞懶唱  
夜永鬼長號來歲還誰健書紙慰先陶

布衣

布衣無力挽龍髯十載空歌麥秀慚閑差詩書明大義傳家忠孝  
變先嚴泊柱望帝留春魄舌敝君平賞卜簾悔不當年知劍術塵  
埃三尺莫韜鈴

自礪

百鍊金成繞指柔韜藏鋒鐔古吳鈎從來游倦輕荊韞不惜閒人  
振細雙

葛太史荆應徵出山擬贈

蒲輪虎觀就明經碩果抑掄失典型莫道蒼生教望重五雲光掩

宏文館閣舊黃扉三十年前近紫薇  
銅雀講筵應識面  
謝君年少贈宮衣

顧問隨班上露臺  
履教莫道老臣來  
利陽亦有文章輩  
史筆須君大手裁

吳國寧無忌諱臣  
少年隊裡自嫌身  
阿婆改作新來婦  
抹斂庚辰第二人

性情南北強難同  
飲酪翻青學未工  
縱使聰明能速化  
卽卽失步哭龍鍾

輕抱琵琶重老婚堂  
原自異私奔  
此身樂受同生死  
怕聽聞人問舊恩

終南山久踏成蹊  
依約束方效滑稽  
只恐元規塵障面  
華亭鶴唳願多違

攬轡南廬行有日彈冠獻諫客填門道人不慣因人熟狂哀侑酒  
學聲深

光溪雜興

風斜樹影客殘月湖帶雲流擁西橋夜靜憑欄天際想滿江詩句  
屬漁樵

愁風愁雨光溪路聽泉聽鳥灌頂山日尋題書石壁山僧笑我  
不曾閒

病花不寐

病久知難療弥留天欲明藥苦口逆背飽毒拳輕蚤蚤於生意  
蠅蚊擬吊穀此身不屬我兒女漫勞情

生平都未了今日急諸心足怒黔婁被頭漸曾子衾蓋棺誰論定  
停紼待知音魂必依吾母黃泉齒臂深

憤盈肝正鬱，双目眼何曾。  
血碧魂非厲，燐青鬼有朋。  
深衣殞落，禿筆瘞鋒醫。  
毅魄人間盡，彌天問仲吳。  
茹蔬非佞佛，水、莫修齋。  
罪重僧難戲，思天深共偕。  
山公雖有荐，杜曉總凡侪。  
珍重金吾志，俗情何足諧。